

植

物

名

實

圖

攷

375.9
435
:2

354

7

2(1-60)

植物名實圖考卷之二

固始吳其濬著

蒙自陸應穀校刊

穀類

稗子

光頭稗子

穆子

山黑豆

山綠豆

苦馬豆

川穀

山扁豆

回回豆

野黍

燕麥

胡豆

玉蜀黍

豇豆

豌豆

刀豆

龍爪豆 又一種

雲藕豆

烏嘴豆

野花豆

黑藥豆

蝙蝠豆

黃麻

山黃豆

山西胡麻



稗子

救荒本草水稗生水田邊旱稗生田野中苗葉似稭子葉色深綠脚葉頗帶紫色梢頭出匾穗結子如黍粒大茶褐色味微苦性微溫採子搗米煮粥食蒸食尤佳或磨作麵食皆可

雩婁農曰稗能亂苗亦有二種有圓穗如黍者有扁而數穗同生者與米同春則雜而帶殼別而杵之則粒白而細煎粥滑美北地多種之於膝非稂莠比也爾雅稊選注謂似稗布地生穢草又古詩云蒲稗相因依則稊爲陸生稗爲澤生歟農政全書諄諄以種稗爲勸備豫不虞仁人之用心哉



光頭稗子

光頭稗子莖葉俱同菱菰生陸地穗出葉中扁淨無毛故名爲
炊香美水稗形如禾生於水田蓋卽淮南子所謂離先稻熟而
陸生穢地者爲稗其卽此歟



穆子

救荒本草穆子生水田中及濕地內苗葉似稻但差短梢頭結穗彷彿稗子穗其子如黍粒大茶褐色味甘採子搗米煮粥或磨作麪蒸食亦可黔山多種鷹爪稗亦呼穆子雲南曰鴨掌稗雩婁農曰穆子稗類於書甚見其穗駢出參差如大小指或以摻摻得名耶廣羣芳譜一名龍爪粟一名鴨爪稗北地荒坡處種之苗葉似穀至頂抽莖有三棱開細花簇簇結穗分數歧如鷹爪之狀形容極肖日照縣志穆子粟之賤者有黑白二種宜濕地石得米二斗餘民賴以餬口而三峽志謂自滇中來曰雪

南稗一曰雁爪稗亦播種畦植與穀爭價東南所無蓋峽中石田艱於嘉種耳余過章貢間河塢極饒時黃雲徧野攬撫弗及安得謂東南無此黔山陬瘠無異峽中溪頭峯角種植殆徧秋口穗稔赭綠壓蹊駢者如掌鉤者如拳旣省工力亦獲籌車民特爲命敢云農惡哉救荒圖與此稍異或一類亦有二種



山黑豆

救荒本草山黑豆生密縣山野中苗似家黑豆每三葉攢生一處居中大葉如菉豆葉傍兩葉似黑豆葉微圓開小粉紅花結角比家黑豆角極瘦小其豆亦極細小味微苦苗葉嫩時採取燂熟水淘去苦味油鹽調食結角時採角煮食或打取豆食皆可雲南山中亦有之花實較肥大人弗採摘

雩婁農曰吾嘗渡河而北大風沙擊車帷有聲如雹及抵驛一塵盡喧皆曰天雨豆亟取視正如黑豆小而堅不類田隴間所藝豈崇巖邃谷穠穀自生陳陳堆聚久而從風飄颺者耶然絕

無斷莖敗莢相雜如出諸倉箒者抑猿鼠所害大風有隧因而發其覆耶羅泌路史博載史傳雨金雨粟雨毛雨血雨魚諸異然未得於目覩而志五行者或附會以爲休咎是邑也時有小旱不爲災亦無他異蓋風雨奇怪非常理可測至池魚飛越或有龍雷震攝吾偶過野塘一卒擊鑼聲未絕游魚撥刺飛水上數尺有自擲於岸者靜極驟動不可卒制理固然爾

古今注元康中南陽雨豆永平中下邳雨豆似槐實宋史元豐中忠州南賓縣皆雨豆大觀中廬州雨大豆金史大定中雨豆於臨潢之境形上銳而赤味苦元史至元中鄱陽雨豆

民取食之癸辛雜識至元中永嘉雨黑米泉州雨紅豆如丹砂可爲飯漢陽府志明時雨小豆種之蔓生不實又黥歙常熟皆雨豆輦昌府安會雨豆破之有麪味苦澀又陝西雨黑豆食之氣閉六合雨紅豆有二瓣食作腥氣同安雨豆扁而細或黃或黑有掃之盈升者雨豆一也或可食或不可食其有似豆而非豆者耶抑以此別災祥耶



山菥豆

救荒本草山菥豆生輝縣太行山車箱衝山野中苗莖似家菥
豆莖細葉比家菥豆葉狹窄脩開白花結角亦瘦小其豆黯綠
色味甘採取其豆煮食或磨麪攤煎餅食亦可